

15

Gant an ezen, mintin ha noz
Grit ma nijo keit ho pennoz
Ha m'en em led son ar c'hleier
Var hon tiez, hor parkeier !

16

El labour ni vevo santel ;
D'an oferen' ni vo fidel ;
Komz ar belég ni a glévo ;
Korf hor Zalver ni ' resevo.

17

Hed hor buez, ni ' vo nerzuz
Da vale var roudou Jezuz,
Daoust d'ar skouer fall, ha d'ar geier
A red ker stank, en hon amzer.

18

Ia, sant Jermen, ni labouro
Evit Doue, evit ar vro,
Betek ma 'zimp d'ar baradoz
Da gana d'eo'h kaeroc'h bennoz !

IMPRIMATUR

Lambézellec, 19 juillet 1909.

A. GADON, v. g.

Kantik Sant Jermen

ESKOB AUXERR

1

Henor ha gloar da zant Jermen,
A-berz Doue, patron Pleyben,
A greiz kalon ni a gano
En iliz a zoug e hano.

DISKAN :

Kanomp, kanomp laouen
Meuleudi Sant Jermen !

2

Gant An Dreinded 'ra kurunen
Sant Loranz hag ar Vadalen,
Gars-Varia ha Guenili,
Ha Lannelek 'vit ho meuli !

3

Henor ha gloar, eskob santel,
Ato skouer vat ho tud fidel,
Dre ho preder d'ar pedennou
Ha d'ar rusta pinijennou !

4

Henor ha gloar, eskob karet
Gant an dud paour ha glac'haret :
Ho madelez, heñ an henchou
A daole puilh madoberou !

5

Henor ha gloar, eskob brudet
Evit al lufr eus ho spered :
E kalz broiou, gant gouiziegez,
Ho peus hadet ar virionez.

6

Henor ha gloar 'vit ho kalloud
Eneb peb drouk ha peb darvoud,
Eneb Satan hag e ardou
Treac'het oll gant ho purzudou !

7

Henor ha gloar, a-berz Bro-C'hall :
Sakret ho poa 'vit he diouall,
Diouz eur bobl gouez prest d'he breva,
Ar verc'hez c'hlan Genoveva.

8

Henor ha gloar, 'vit ar skoazel
Roet da Vreiz-Veur, hed ar brezel
Great gant ar Gaou d'ar Virionez,
Gant ar Gounar d'ar Garantez.

9

Henor ha gloar, 'vit ar c'houenchou
Savet eno tost d'an aochou :
Rak ac'hano 'teuas e Breiz
Ho tiskibien gant ar guir feiz.

10

A-dreus hor bro, o deus skignet
Hoc'h hano dous ha benniget ;
Kalvar, iliz ha tour Pleiben
Hel lavaro da virviken !

11

Ia, trugarez, gloar hag henor
D'an neb en deus harpet Arvor,
Eneb armeou eur mestr garo,
Betek ar pred eus e varo !

12

Mil bennoz d'eoc'h, o sant Jermen !
Seveni 'rit kement peden,
Kement mennoz a nij d'an nenv
Var diouaskel eur fizianz krenv !

13

Grit ma lintro splann 'vel an deiz
En hor spered sklerder ar feiz ;
Grit ma talc'himp sonj ho skoueriou,
Evit difen hon oll guiriou !

14

Hon diouallit diouz peb klenved,
A wask ar c'horf hag ar spered :
Hon diouallit diouz ar boan benn,
Hon diouallit diouz an anken !